

涑水縣志目錄

卷首

宸章

圖十七

表一

卷一

地理志

疆域

附形勝

山川

附關隘

橋梁

古蹟

附陵墓

寺觀

坊表

村閭

附鄉社

集市

風俗

祥異

卷二

建置志

城池

公署

附館驛

倉庫

學校

附書院

壇廟

附祠閣

郵政

附義塚

卷三

食貨志

田賦

附戶口

旗租

雜稅

鹽政

經制

積貯

附社穀

義穀

物產

卷四

祀戎志

秋祀

羣祀

軍制

附敦民

卷五

職官志

文職

武職

宦蹟

卷六

科貢志

科第

附恩拔歲副 武科

薦舉

附援例

封贈

附廕襲

卷七

人物志

實行

閭節

附孝

流寓

附仙釋

卷八

藝文志

傳記

記

雜著

詩歌

卷末

餘錄

涑水縣志卷八

上

藝文志

士大夫爭言文矣文而無實猶虛車也文而無用是
敝帚也摹苔痕於碑版搜蠹帙於故家隻字單詞脫
之紙上如親其事如遊其地如接其人於是乎不言
文而文莫尙焉則拱璧捧之已今自祖逖傳而下收
載各體若干首山川景物發爲詩歌亦文人高致也
擇其尤雅者登之自餘藻流無著槩乎不取作藝文

志

舊志

晉文

祖逖傳

晉書

祖逖字士雅范陽道人世吏二千石爲北州舊姓父武
晉王掾上谷太守逖少孤兄弟六人兄該納等並開爽有
才幹逖性豁蕩不循儀檢年十四五猶未知書諸兄每憂
之乃博覽書記該涉古今見者謂逖有贊世才僑居陽平
與司空劉琨俱爲司州主簿情好綢繆共被同寢中夜聞
荒雞鳴琨覺曰此非惡聲也因起舞逖琨並有英氣每
語世事或中宵起坐相謂曰若四海鼎沸吾與足下當相
避於中原耳辟齊王問大司馬掾長沙王又驃騎祭酒轉

主簿累遷太子中舍人豫章王從事中郎蕩陰之役退還
洛范陽王爚等召之皆不就東海王越以逖爲典兵參軍
濟陰太守母喪不之官及京師大亂逖率親黨數百家避
地淮泗以所乘車馬載同行老疾躬自徒步藥物衣糧與
衆共之又多權畧是以少長咸推逖爲行主元帝用爲徐
州刺史尋徵軍諮祭酒逖以社稷傾覆常懷振復之志賓
客義徒皆暴桀勇士逖遇之如子弟時帝方拓定江南未
遑北伐逖進說曰晉室之亂非上無道而下怨叛也由藩
王爭權自相誅滅遂使戎狄乘隙毒流中原今遺黎旣被
殘酷人有奮擊之志大王誠能發威命將使若逖等爲之

統主則郡國豪傑必因風而赴沈溺之士欣於來蘇庶幾
國恥可雪帝乃以逖爲奮威將軍豫州刺史給千人廩布
三千匹不給鎧仗使自招募仍將本流徙部曲百餘家渡
江中流擊楫而誓曰祖逖不能清中原而復濟此有如大
江辭色壯烈眾皆慨嘆屯於江陰起冶鑄兵器得二千餘
人而後進進據太邱樊雅遣眾夜襲逖遂入壘杖戟大呼
直趣逖幕軍士大亂逖命左右距之督護董昭與賊戰走
之逖率眾追討而張平餘眾助雅攻逖蓬陂塢主陳川自
號甯朔將軍陳留太守逖遣使求救於川川遣將李頭率
眾援之逖遂剋譙城初樊雅之據譙也逖以力弱求助於

南中郎將王含咨遣桓宣領兵助逖逖旣剋譙宣等乃去石季龍聞而引眾圍譙舍又遣宣救逖季龍聞宣至而退宣遂留助逖討諸屯塢未附者李頭之討樊雅也力戰有勲逖時獲雅駿馬頭甚欲之而不敢言逖知其意遂與之頭感逖恩遇每嘆曰若得此人爲主吾死無恨川聞而怒遂殺頭頭親黨馮寵率其屬四百人歸於逖川益怒遣將魏碩掠豫州諸郡大獲子女車馬逖遣將軍衛策邀擊於谷水盡獲所掠者皆令歸本軍無私焉川大懼遂以眾附石勒逖率眾伐川石季龍領兵五萬救川逖設奇以擊之季龍大敗收兵掠豫州徙陳川還襄國留桃豹等守川故

城住西臺逃遣將韓潛等鎮東臺同一大城賊從南門出入放牧逃軍開東門相守四旬逃以布囊盛土如米狀使千餘人運上臺又令數人擔米僞爲疲極而息於道賊果逐之棄擔而走賊旣獲米謂逃士眾豐飽而胡戍饑久益懼無復膽氣石勒將劉夜臺以驢千頭運糧以饋桃豹逃遣韓潛馮鐵等追擊於汴水盡獲之豹宵遯退據東燕城逃使潛屯封邱以逼之馮鐵據二臺逃鎮雍邱數遣軍要截石勒勒屯戍漸蹙候騎常獲濮陽人逃厚待遣歸咸感逃恩德率鄉里五百家降逃勒又遣精騎萬人距逃復爲逃所破勒鎮戍歸附者甚多時趙固上官巳李矩郭默等

各以諂力相攻擊。逖遣使和解之。示以禍福。遂受逖節度。逖愛人下士。雖疎交賤隸。皆恩禮遇之。由是黃河以南。盡爲晉土。河上堡固。先有任子在胡者。皆聽兩屬。時遣遊軍。僞抄之。明其未附。諸塢主咸戴胡中有異謀。輒密以聞。前後剋獲由此也。其有微功。賞不踰日。躬自儉約。勸督農桑。剋已務施。不畜資產。子弟耕耘。負擔樵薪。又收葬枯骨。爲之祭醢。百姓感悅。嘗置酒大會耆老。中坐流涕曰。吾等老矣。更得父母死。將何恨。乃歌曰。幸哉遺黎。免俘虜三辰。旣明遇慈父。元酒忘勞甘。瓠脯何以詠恩歌。且舞其得人心。如此故。劉琨與親故書。盛贊逖威德。詔逖進爲鎮西將軍。

石勒不敢窺兵河南使成皋縣修逖母墓因與逖書求通
使交市逖不報書而聽互市收利十倍於是公私豐贍士
馬日滋方當推鋒越河埽清冀朔會朝廷將遣戴若思爲
都督逖以若思雖有才望無宏致遠識且已翦荆棘收河
南地而若思雍容一旦來統之意甚怏怏且聞王敦與劉
隗等構隙慮有內難大功不遂感激發病乃致妻孥大木
山下時中原士庶咸謂逖當進據武牢而反置家險阨或
諫之不納逖雖內懷憂憤而圖進取不輟營繕武牢城城
北臨黃河而接成皋四望甚遠逖恐南無堅壘必爲賊所
襲乃使從子汝南太守濟率汝陽太守張儼新蔡內史周

閔率眾築壘未成而逃病甚先是華譚廣闡問術人戴洋
洋曰祖豫州九月當死初有妖星見於豫州之分陽陳
訓又謂人曰今年西北大將當死逃亦見星曰爲我矣方
平河北而天欲殺我此乃不祐國也俄卒於雍邱時年五
十六豫州士女若喪考妣譙梁百姓爲之立祠冊贈車騎
將軍王敦久懷逆亂懼逃不敢發至是始得肆志焉尋以
逃弟約代領其眾約別有傳

明文

李德成傳

翰林院學士

劉三吾

李德成易州涑水縣莊潭里人也父從儀早卒洪武元年

里中兵起德成時年十三隨母張氏逃避山中夜抵拒馬河去家里許追騎至母臨河度不能脫因投於水母子遂相失其後每痛父早世藁葬昌平離家二百餘里母又以溺死無由報劬勞恩誓口銜勒身負鞍爲馬以報塑母像與妻王氏朝夕供奉如其生時有出入必告十七年冬爲母生日哭而慟夜夢母言我在寒冰之下欲出不得德成益慟鄰家聞之謂曰此在愛河宜不得出會天大雪三日林木盡僵河水凍結厚數尺德成泣跳其上裸而臥誓欲化冰而出其母也臥中氣騰騰上時雪片紛舞如覆衾然德成不知也妻王氏亦跣跪臥所如是者七日河面廣可